

KA MEGHALAYA COMMUNITY LED LANDSCAPE MANAGEMENT PROJEK

**Ki Kyndon Bei Pisa ia Ki Rukom Pyrkhat Thymmai
Bad Ki Kam Kiba Kham Phylla
(Innovations Fund Guidelines)**

Contents

Bynta ba 1: Ka jingmait phang bad ki nongrim.....	4
1.1 Ka jingbatai kyllum ia ka projek.....	4
1.2 Ki sawdong sawkun bad ki spah mariang.....	5
Bynta ba 2: Ka jingbei pisa na ka bynta ki rukom treikam ba thymmai	6
2.1 Ka jingbei pisa ia ki rukom treikam jong ki buit stad thymmai.....	6
2.2 Ki jingthmu.....	6
2.3 Kaei kaban mih.....	6
2.4 Ki jait jingtrei ne ki buit pyrkhath thymmai.....	7
2.5 Ki jait jingtrei thymmai ba lah ban pdiang	8
Bynta ba 3: Ki kyndon ban shah jied	11
3.1 Ka jingbei pisa na ka bynta ki jingtrei ne ki rukom pyrkhath thymmai na ki jaka nongkyndong	11
3.2 Ki jingbei pisa na ka bynta ki jingtrei ne rukom pyrkhath thymmai ne jingstad tynrai kiba napoh ne shabar ri	12
Bynta ba 4: Ki kyndon jingjied	14
4.1 Ka nongrim ban bud haba phah ia ki jingtyrwa.....	15
Annex 1. Ki dkhot jong ka State bad District Level Innovations Committee.....	17
1. Ka State Level Innovations Committee (SLIC).....	17
2. District Level Innovations Committee:	18
Annex 2 Ki jingkyrshan pisa lyngba ka Innovations Fund: Ka jingphah ia ki jingthoh halor ki jingtrei ne rukom pyrkhath thymmai ne jingstad tynrai	20
Annex 3 Ki jait jingtrei ki ban ym ioh ia ka jingbei pisa hapoh ka Innovations Fund	25

Bynta ba 1: Ka jingmait phang bad ki nongrim

1.1 Ka jingbatai kyllum ia ka projek

İa Ka Meghalaya Community Led Landscape Management Project (CLLMP) la kyrshan da ka World Bank da ka jingthmu ban nang pynkhlaĩ shuh shuh ia ka trei ka ktah jong ki nongshong shnong, kiba don ka bynta kaba khraw ban pynneh pynsah ia ki jingdon jingem ka mei mariang ha ki jaka bad ki shnong jong ka Meghalaya. Ka Meghalaya Basin Management Agency (MBMA) kan pyntreikam ia kane ka jingtrei kam hapoh ki san snem, kata, naduh u snem 2018 haduh u snem 2023.

Kane ka projek ka thmu ban ban iada ia ka jingpynsniew dur ia ka jinglong nylla jong ki jaka, ka jingkyrduh um bad jingkylla syndet ka mariang, da kaba wanrah ia ka jingiatreilang bad ki shnong ki thaw kumno ban wanrah ia ki kyndon kiban teh lakam ia ka rukom pyndonkam ia ki spah mariang ha ka jylla. Kane ka jingtrei kam, ka don ruh ka jingthmu ban pynkhlain ia ka jingtrei kam jong ki kynhun nongshong shnong bad kiwei de, kynthup ia ki tnad trei kam bapher bapher jong ka Sorkar Meghalaya ban nang pynbha shuh shuh ia ka trei kam ha kaba sumar ia ki jingdon jingem ka 'mei mariang, ba kynthup ia ka jinglong ka jaka, ki umpohliew, ki tyllong um, ki khlaw ki btab, ka spah mariang da kaba thaw lad ban pynbha katkum ka jinglong jong ka jaka. Kan iarap ban ai ia ki jingtip, ki jinghikai pyntbit bad btin lynti ia ki briew kumno ban iada ia ki spah mariang bad kiei ki jingmyntoi kiba ki lah ban ioh da kaba ki nang ban sumar bad leh adkar ia ki spah mariang. Ka projek kan buh ha khmat ia ka jingpynkup bor ia ki kynthei bad ki samla ba kin iashim bynta ha kaban ai ia ki rai jong ki ban shim ia ki sienjam ban pynneh pynsah ia ki spah mariang.

1.1.1 Ka jingpeit kyllum lang ia ka sawdong sawkun (Landscape Approach): Ka jingdawa ia ka khyndew ka long kaba jur bha - ia ka khyndew lah ban pyndonkam ha kaba thung jingthung, thung dieng, pynlong jaka ialehkai, tih mar poh khyndew bad kiwei kiwei. Hynrei, ha ka por ba shim ia ki rai kumno ban pyndonkam ia ki jaka puta ka long kaba donkam ban sngewthuh kaei ka rukom kaba bha tam ban pyndonkam ia ka jaka khnang ban kyntiew ia ka thung ka tep, ia ka ioh ka kot bad ia ka kamai kajih khlem da pynjulor, pyntwa noh, ne pynjaboh ia ka, kaba lah ban buh jingma ia u khunbynriew hadien habud. Ia kane ka jingtrei kam la khot ka 'Landscape Approach'. Ka CLLMP projek kan ai jingkyrshan ia ki nongshong shnong kumno ban thaw lad thaw lynti ban pyndonkam ia ki jaka ha ki shnong ki thaw ki jong ki ha ka rukom kaba iaineh, ka ban iada na ka jingtwa noh ka khyndew ka shyiap, ka ban pynroi ia ka jingdon jong ki khlaw ki btab bad ban pynkyrsoi ia ki tyllong um khnang ban kyntiew ia ka jingseisoh ka jaka ka puta, kaban lam pat sha ka jingkyntiew ia ka ioh ka kot jong ki briew lyngba ka thung ka tep, ka kam jngohkai pyrthei bad kiwei kiwei.

1.2 Ki sawdong sawkun bad ki spah mariang

Ka spah mariang ka long kiba kongsan ha kaba iadei bad ka jingkyntiew ia ka roi ka par jong ka jylla, namar bun ki kam ki jingtrei kum ka rep ka riang, ka thung soh thung pai, ki khlaw ki btab bad ki kam jngoh kai pyrthei kidei ki kam kiba hap ban ia tyllun lang bad ka mariang. Hynrei, ka jingshah pynjolor jong ki spah mariang ki la nang kiew kat ba nang mih ki sngi. Haba la pynlong ia ka jingbishar bniah hapteng ka 2011–2012, la shem ba kumba 22 na ka 100 ka khyndew ka la nang duh noh ia kata ka jingbha jong ka na ka daw ka jingbym don ki jingthung jingtep kaba long 19.4 na ka 100 bad ka jingrong noh ka um ia ka khyndew kaba long 2.37 na ka 100. Namar ka jinglong lum ka jaka, ka don ka jingshah rong noh ka sboh khyndew bad kane ka pynlong ia ki jaka rep ha ki sharing lum ki bymbiang na ka bynta ka thung ka tep bad wanrah ia ka jingshlei um bad ka jingtwa khyndew katba nang ia id ki por. Ka rep shyrti kadei kawei na ki rukom rep ba ki briew jong ka jylla ki dang iai bteng ban leh haduh mynta, bad kane ka rukom rep ka ktah bha bad ka wanrah ia ka jingpynjot ia ki khlaw ki btab tang ha i por ba lyngkot. Ka Meghalaya ka long ka jylla kaba ioh bun eh u slap ha ka pyrthei. Hynrei, wat la katta ruh, dang don bun tylli ki shnong ki thaw kiba ioh mad ia ka jingkyrdum. Ka jylla ka don haduh 60,000 tylli ki umpohliew kiba lah ban pyndap ia ka jingdonkam um jong 80 na 100 ki nongshong shnong. Hynrei, 54 na ka 100 na kine ki umpohliew ki la rngat noh ne ka jingmih um ka la duna da kumba shiteng eiei. Watla ka jylla ka don kumba 77 na ka 100 ki khlaw ki btab, hynrei ki khlaw ba rben ki la sdang ban jah noh bad sah sa tang ki khlaw bniap suda.

Ka Meghalaya ka long ka jylla kaba kham kyrpang namar ba ki nongshong shnong ki long ki nongri nongsumar bad nongpynneh pynsah ia ka mei mariang. Ka Meghalaya ka iapher na kiwei pat ki jylla ha ka ri, ha kaba ki khlaw ki btab ki hap hapoh ka jingpeit jong ka sorkar jylla, hynrei ha jylla Meghalaya pat kumba 90 na ka shipah ka jingdon jong ki khlaw, ki long kiba hap hapoh ka jingpeit jingjngoh jong ki ri trai muluk ki trai jaka, kiba long ruh ki 'riewlum na ka jaitbynriew Khasi, Garo bad Jaintia. Ka jingsumar bad ka jingpyndonkam ia ki jaka la ju pyniaid katkum ki kyndon aiñ jong ki trai ri trai muluk naduh ki por ba mynshwa. Kumta da ka jingdon jong kine ki aiñ ba pyrkhing ba sa lah ban ioh ia ki 'law kyntang. Dei kine ki 'law Kyntang kiba la pynneh pynsah ia ki jait dieng bapher, kiba iada ia ki tyllong um bad ki wahduid ban ym rngad. Ki bor Sorkar jylla bad sorkar pdeng kim ithuh ia kane ka jingstad ki trai muluk ki trai jaka ha kaba ia dei bad ka jingsumar ki khlaw. Bun na kine ki jingtip ki la shu jah rngai bad klet noh namar ba ym shyum la hikai pateng ia ki. Ia kiba kum kine ki jait khlaw, ka Sorkar kam ithuh ia ki bad kam ai jingkyrshan pisa ruh ia ki. Kumba long haduh mynta, ym pat don kano kano ka kynhun lane ka jingbuh ia ki ain na ka bynta ka jingtyngkai um ha ka jylla. Ia ki wah, ki wahduid, ki umpohliew la niew ba ki dei ki nongkynti jong ki trai muluk ki trai jaka, kumba long ia ki khlaw ki btab.

Bynta ba 2: Ka jingbei pisa na ka bynta ki rukom treikam ba thymmai

2.1 Ka jingbei pisa ia ki rukom treikam jong ki buit stad thymmai

Wat lada ka don makna ka jingtrei kam da ki kor ki bor juk stad kaba mynta bad ka jingtreikam katkum ki jingstad tynrai, ka la don ruh ka jingsngewthuh ba ka por ka la dei ruh ban buh ha ki jingthoh ia ki jingtrei kam ba bha tam ha ki jingstad tynrai kiba iadei bad ka jingpynneh pynsah ia ka mariang khnang ba kin ym jah noh. Ki jingstad kiba lah leh da ki briew shimet bad ki shnong ki thaw ha kaban shim ia ki rai ban pyniaid ia ki kam kiba iadei bad ka jingpynneh pynsah ia ki spah mariang ki long kiba donkam. Kumta la buh ia ka jingbei tyngka lyngba ka CLLMP ban iarap ia kine ki liang.

2.2 Ki jingthmu

i) Ban kyrshan ia ki jingtrei jingtah kiba iadei bad ki buit jingstad kumno ban pynneh pynsah ia ka spah mariang, kynthup ia ka jingpynneh, ka jingiada ia ka khyndew, ki um ki wah, ki khlaw ki btab bad jingtyngkai ia ka spah mariang, ban pynkhie im biang ia ki khlaw ki btab kiba lah julor noh, bad kine kiei kiei ki pynlong ban wad ia ki lad ki lynti ban iada na ka jingkylla ka mariang bad shim ia ki sienjam kiban long kiba lah ban pdiang da ka mariang.

ii) Ban iarap ban kyntiew ia kine ki jingstad ba la leh da ki shnong ki thaw ha kaba iadei bad ka jingiada ia ka mariang khnang ban pynkup bor ia ki kumno ban nang pynbha shuh shuh ia ki jingiada bad leh adkar ia ki spah mariang.

Khnan ban pynurlong ia kine kiei kiei ki jingthmu jong ka projek, kumta la wanrah bun tylli ki rukom treikam ba kynthup ia:

- a) Ka jingpynithuh ia ki jingtrei kam thymmai, kiba lah ban long ha ka dur jong ka jingnang jingtip kaba mih na ki trai jaka, ki seng bad ka jingpyndonkam ia ki kor ki bor juk stad bamynta.
- b) Ka jingbuh jingthoh, ka jinglum jingtip, ka jingsam jingtip bad jingpynsaphriang ia ki jingtrei kam bathymmai.
- c) Ban don ka jinglumlang ia ki rukom pyrkhath thymmai bad ia ki jingtrei kam thymmai kynthup ruh kumno ban pyniaid iew ia ki.
- d) Jingwad bniah bad jingpyntrei kam ia ki jingshem ne ki jingwad bniah kiba ia dei bad ki jingtrei kam thymmai.

2.3 Kaei kaban mih

La khmih lynti ba kaei ka ban mih na ka jingkyrshan ia ki jingtrei kam thymmai ha Meghalaya hapoh ka projek kan ialam sha:-

- a. Ka jingithuh ia ki riew shimet lane kynhun na ka bynta ki jingtrei kam thymmai jong ki ha kaban pynneh pynsah ia ka spah mariang.

- b. Ka jingithuh ia ki jingtrei thymmai kan iarap ban ia noh synniang lang ban tehlakam ia ka jingpynjulor ia ka spah mariang.
- c. Ka jingpynkhie im biang bad ka jingsam lem ia ki jingnang jingtip kiba mynshuwa bad ki jingtrei jingktah kiba bha.
- d. Kan pyntbit ia ki kynhun treikam ha ki shnong ne ki Village Level Natural Resource Management Committee, ki seng longkmie, ki seng samla bad ia ki riew shimet ha ka jingtip shaphang ki jingpyndonkam ia ki kor ki bor thymmai bad ki rukom pyrkhath thymmai ban pynneh pynsah ia spah mariang
- e. Kan pyniar ia ka jylli jong kito ki jaka kiba hap hapoh ka jingtrei kam ban pynneh pynsah ia ka spah mariang.

2.4 Ki jait jingtrei ne ki buit pyrkhath thymmai

Ka jingbei pisa kan long na ka bynta kito ki jingtrei kam thymmai kiba wan rah ruh ia ki jingkylla. Kine ki lah ban long kito ki kam ba ju leh lane ka jingpyndonkam ia ki kor ki bor, ki jingstad tynrai, ki jingtrei kam thymmai ha ki dong bad ki thain. Ka jingstad u mynbarim, kum ha kaba pun jingkieng da ki thied dieng, ka jingbuh ia ki 'law Kyntang bad ka jingai um ia ki jingthung da kaba pun ia ka um da ki siej, lah ba kynthup ia ki ha kata ka jingtrei kam bathymmai. Ia ki jingnang jingtip kiba kum kine, lada ki don ha kiwei pat, lah ban kynthup lem ia ki.

Ban pdiang ia kine ki jingtrei ne ki rukom pyrkhath thymmai donkam ban pynthikna lyngba ka jingwad bniah saian kaba lah ban da pynthikna bad pynshisha, bad donkam ban pyntrei kam ia ka khnang ban pynshisha ba ka long kaba larkam (Proof of Concept). Donkam ruh ban ai jingpynshisha ba ia kita ki jait kam ne rukom pyrkhath thymmai lah ban pdiang, ban pyndonkam bad ba kin long kiba ai jingmyntoi ia ki kynhun kiba ia don bynta ha ka CLLMP projek bad ruh ia kiwei, wat ynda lah kut noh ka projek ruh. Ha ka aplikeshon, donkam ban pynshai bad ban pynshisha ia ka jingiar jong ka jinglah ban pyndonkam ia kata ka jingtrei ne rukom pyrkhath thymmai ne jingstad tynrai (kum ban shu ai nuksa, lada dei ka jingtrei ne rukom pyrkhath thymmai ne jingstad tynrai kaba iadei bad ka jingiada ia ka khyndew, lah ban batai haduh katno hektar lah ban iada na ka jingtwa khyndew ha ka shisnem, lane haduh katno tylli ki iing ki sem kin lah ban ioh jingmyntoi na kata ka jingtip thymmai). Kane ka projek, kan sa peit bniah bad jied haduh katno na kine ki jingtreikam ne rukom pyrkhath thymmai lah ban pyntreikam ruh ha ka projek. Yn peit haduh katno donkam ban mang tyngka lang na ka projek ban pyntrei kam ia kita ki jaid kam, kiei ki ban mih na kita ki jaid kam, haduh katno kita kiba thep aplikeshon kin lah ban noh synniang lang, haduh katno yn ioh ki jingmyntoi na ka tyngka ba la pynlut bad kiei ki jingeh kiba lah ban mih lada jied ne leh ia kita ki kam ne rukom pyrkhath thymmai.

2.5 Ki jait jingtrei thymmai ba lah ban pdiang

S.No	Ki jait jingtrei thymmai	Jingpynshai bad nuksa
1	<p>Ki jingtrei lyngba ki jingpyndonkam ia ki kor ki bor thymmai ban pynneh pynsah ia spah mariang</p>	<p>Ki kam pynroi, jingpynbha, ka jingpyniar kam, ka jingkyntiew lane ka jingpyntrei kam ia ki kor ki bor ka juk mynta bad buit trei kam, ka sap ka phong, rukom trei kam, ki lad ki lynti ban pynurlong ia kita ki jingthmu ha kaba pynneh pynsah ia ka spah mariang.</p> <p>Kane ka kynthup ia kine harum bad ia kiwei ruh :-</p> <ul style="list-style-type: none"> - Ki jingtrei thymmai ki ban iada ia ka jingrong noh ia ka khyndew, ki ban iarap ha ka ban pynneh pynsah ia ki um ki wah, ban pynneh pynsah ia ki jingthaw ba don jingim, ban iada na ki khniang, ban pynbha ia ki jaka ba la julor, ban iada ia ka khyndew, ban iada na ka jingpynjulor jong ka lyer, ban pynbha biang ia ki jaka ba la julor bad ban iarap ia ki briew ba kin lah ban im wat hapdeng ki jingkylla ka mariang. - Lah ban ai nuksa, kum ka jingai um ia ki jingthung da kaba pynpur da ki siej, ki jingtrei kam kiba don jingmut kiba ia dei bad ka rep-bun ka rep shyrti, ban wanrah ia ka jingroi bad ka jingpyndonkam ia ki jingtrei thymmai, kiba long ka bynta kaba khraw ban saindur thymmai, ka jingpyndonkam ia ki kor ki bor GIS na ka bynta ban pynwan dur ia ka jinglong jingman jong ki jaka, ka jingpynneh pynsah ia ki jingkieng jri, NTFP Certification kaba kynthup ia ka jingkyrshan ia ka rep ka riang bad ka ot ka kheit ia ki mar rep kaba iaineh.

2	<p>Ki rukom treine rukom pyniaid thymmai ia ki kam kiba iadei bad ka jingpynneh pynsah ia ka spah mariang</p>	<p>Ki jingtrei, ki jingpynbiang bad ki jaka trei ki ban pynkupbor ia kito ki jaitbynriew kiba ia don bynta ha kaba pynneh pynsah ia ka spah mariang. Ki jingtrei thymmai kin kynthup ia kine nalor kiwei kiwei de:-</p> <ul style="list-style-type: none"> - Ka rukom treikam bad jingpynbiang ki ban lam lynti kumno ban saindur, ban pynneh pynsah bad kyntiew ia ki jingnang jingtip ba la don lypa bad ki trai muluk ki trai jaka. - Ki jingdonkam ba kongsan ki ban pynneh pynsah ia ka spah mariang. - Kum ban shu ai nuksa, ka jingpynkhlain ia ki jingtrei jingktah kiba kham kyrpang kum ia 'law Kyntang, ka jingbuh jingthoh ia ki jingnang jingtip jong ki trai muluk ki trai jaka, kaba siew ia kito ka jingsdang ia ki jingtrei kam ha kaba seng ba buh ia ki jaka khlaw ban pynneh ia ki dieng ki siej bad ia kiwei ki jingthaw ba don jingim, ki jaka jngohkai mariang, ka jingseng ia ki Eco-tourism Committee.
3	<p>Ki jingstad tynrai</p>	<p>Ki jingtrei thymmai kiba iadei bad ki jingstad tynrai ka ithuh bad kyrshan ia kine:-</p> <ul style="list-style-type: none"> - Kaba lum jingtip bad buh jingthoh, kaba iasam bad pynsaphriang ia ka jingnang jingtip u mynbarim na ka bynta ban pynneh pynsah ia ka spah mariang bad ban ai pateng ia ki longdien. - Ban wanrah ia ki buit treikam thymmai ban pynkhie im pat ia ka rukom treikam u mynbarim, ban kyntiew ia kiei kiei ki kam kiba la ju leh da ki riw hyndai khnang ba kine ki jingleh jong ki kin ym jah duh. - Kum ban shu ai nuksa, ka jingnang jingtip ha kaba pynneh pynsah ia ki 'law Kyntang, ki

		jingkieng jri bad kiwei.
4	Ki jingtrei thymmai ki ban iarap pynbha pat ia ki jingjolor mariang.	<p>Ki jingtrei thymmai kiba lah ban iada na ki bor pynjolor ne pynbha pat ia ka jingjolor ka mariang ha ka jylla.</p> <ul style="list-style-type: none"> - Ki jingwad bniah ban ialeh pyrshah ia ki bor pynjolor ka mariang bad ka jingpyndonkam ia ki buit treikam thymmai ban ialeh pyrshah ia kine ki jingeh. - Ka jingpynsgewthuh paidbah, ka jingioh jingkyrshan, kaba pynkhlain ia ki dkhot ban thaw ia ki kynhun kiban peit ia ki kam kiba iadei bad kumno ban ialeh pyrshah ia ki jingeh. - Kaba pyndonkam ia ki jingnang jingtip ba la tip paidbah ban ia leh pyrshah ia ki bor kiba pynjolor ia ka mariang. - Ki jingeh ba ia tip paidbah bad kiba dei ban ialeh pyrshah ki long kum ka jingpom pathar ia ki khlaw, ka jingpynjakhlia ia ka lyer, ka jingpynjolor ia ka khyndew ka shyiap na ka daw jong ka jingtih ia ki mar poh khyndew bad ka jingduh noh ia ki jingstad tynrai, ka jingiaknieh ia ka spah mariang, ki lad ban pynduna ia ka jingktah na ka jingkylla ka jingling ka suinbneng. Ka jingiada ia ki um bad ki wah. Ki lad jingiada pyrshah ia ki jingwan lynshop lynsher ka mariang. Ki lad jingiada na ka jingpynjolor ka mariang bad jingpynsniew ia ka mariang da ki nong jngohkai pyrthei.

Bynta ba 3: Ki kyndon ban shah jied

Ban pyntikna ban ioh ia ka rukom jied kaba khuid ba suba dei ban peit ha ki liang bapher bapher kiba iadei bad ki buit stad thymmai bad kumjuh ia ki brierw kiba iadon bynta ha kane ka liang, kumta ka jingkyrshan ka long ha ki ar bynta.

3.1 Ka jingbei pisa na ka bynta ki jingtrei ne ki rukom pyrkhath thymmai na ki jaka nongkyndong

Ban buh jingthoh ia ki jingstad tynrai bad ban don ruh ka jingtip shaphang kito ki jaka kiba ba la shah pynjulong, kiba donkam kyrkieh ban ioh ia ki jingiada da kaba pyntrei kam ia ki jingtreikam thymmai bad da ki kynhun. Ha kane ka jingtrei kam yn don ruh ka jingiaphylliew jingmut bapher bapher bad ki shnong.

3.1.1 Yn ia kren halor **ki phang** bapher bapher ha kane ka jingiamir jingmut bad kiwei de nalor kiba la kdew harum:-

- Ka jingstad tynrai ha kaba ri ba sumar ia ki spah mariang.
- Ki jingioh pateng kiba iadei bad mariang bad ia ki riti ki dustur ha Meghalaya.
- Ki jingnang jingtip thymmai kiba iadei bad ka jingiada ia ka khyndew bad ka um.
- Ka jingpynkhie im biang ia ki umpohliw.
- Ka jingpynneh pynsah ia ki khlaw ki btab bad pynkhie im ia ki.
- Ki jingtrei kam ki ban iada na ki jingpynjulong ka mariang.
- Ka jingpyndonkam ia ki kor ki bor juk stad ba mynta kiban ym pynjaboh ia ka mariang.
- Ki jingtrei ne rukom pyrkhath thymmai ne jingstad tynrai da ki kynthei.
- Ki jingtrei kiba kham kyrpang ne ki seng kiba trei ia kiba kum kine ki kam kiba la lah ban ia pynneh pynsah ia ka mariang.

3.1.2 **Kan don ka jingpdiang kyrteng** na ki 'riew shimet, ki kynhun, ki seng kiba lah ban ia shim bynta ha ki jingiamir jingmut halor ki jingtrei thymmai. Ia kane yn sa pyntip lyngba ka CLLMP website, ki kot khubor, ka radio, ki lad jingpyntip kiba lah poi ban shaduh ki nongkyndong bad kiwei ki jingphah ktien. Ki 'riew shimet bad ki kynhun ki lah ban phah ia ki nongmih khmat jong ki ha kine ki jingiaphylliew jingmut. Ia ki kyrteng jong ki nongiashimbynta lah ban phah sha ka VNRMC committee kiba don ha ki shnong, ne ha ki nongtrei jong ka project ha ki Block ne ha ki District Project Management Unit (DPMU) kiba don ha ki distrik.

3.1.3 **Kiba lah ban ia shim bynta** ha ki jingiamir jingmut ki long :-

- Ki 'riew shimet lane ki kynhun kiba lah ban pynshisha ba ki don ia la ka jong ka saindur thymmai kaba ia dei bad ka jylla Meghalaya (Lynnong 2.5)
- Ki Dorbar Shnong bad ki Raij kiba don ha Meghalaya.
- Ki Village Executive Committee bad Village Natural Resource Management Committee (VNRMC) na baroh ki shnong ka Meghalaya.
- Ki skulbah, ki skul bad ki Science Club jong ka Meghalaya.

- Ki seng bhalang, ki seng trei mon sngewbha, ki kynhun trei kam kibym hap hapoh ka jingpyniaid jong ka Sorkar, kiba la trei kam la kumno kumno 3 snem, la ka long hapoh ka distrik lane ha ka jylla Meghalaya.

3.1.4 Ka jingiaphylliew jingmut kan plielad ia kito kiba la shah jied ban ai ia ki jingbatai jong ki ha kaba iadei bad ki jingtrei ne rukom pyrkhathymmai ne jingstad tynrai kiba ki kidon. Kane ka jingiaphylliew jingmut kan long katkum ki phang kiba la ai haneng, bad ka jingthmu ka long ban ai jingpynshai halor kino kino ki jingbysngewthuh ha kaba iadei bad kita ki jingtrei ne rukom pyrkhathymmai ne jingstad tynrai kiba don ha ka distrik. Hapoh jong ki saw snem ba pyntrei ia ka projek, la khmih lynti ba yn lah ban pynlong la kumno kumno haddeng 15 bad 20 tylli ki jingiaphylliew jingmut bad lyngba jong ki la khmih lynti ban mih haddeng 50 bad 80 tylli ki jingtrei kam ne rukom pyrkhathymmai, kiba yn lah ruh ban ai jingkyrshan lyngba ka projek. Na ka bynta ban pyniar ia ka jingtip paidbah halor ka jingdon jong kiba kum kine ki jingtrei kam ne rukom pyrkhathymmai, yn pynshlur ia ki nongtrei ki tnad sorkar bapher bapher hapoh ki distrik bad Block, ia ki dkhot jong ka VNRMC Committee, bad ruh ia ki rangbah shong bad khlieh nongsynshar ba kin ia shim bynta ha kine ki jingiamir jingmut. Ia kine ki jingtrei thymmai yn sa buh jingthoh ha ka rukom kaba janai. Nangta, ka District Innovation Committee kan pynlong ia ka jingjied naddeng jong ki kumba la maitphang ha ka Bynta ba 4, na ka bynta ban ai ia ka jingkyrshan pisa trei kam ha ki.

3.1.5 Īa ka jingkyrshan pisa na ka bynta ki jingtrei ne rukom pyrkhathymmai ne jingstad tynrai yn sa pynlait sha kita kiba la shah jied ha ka District Innovation Committee khnang ban iarap ia ki ban nang iai pynbha ne ban pyniar ia ka kam, bad ban ai nam ia kum kita. Ka jingkyrshan pisa kan long T.1,00,000/- haduh T.5,00,000/- ia kaba yn sa ai ha ki riew shimet ne ki kynhun kiba la shah jied. Ia ka pisa yn sa pyllait hadien ba la mynjur da ka Innovations Committee ryngkat bad ka State Project Management Unit (SPMU). Kito kiba ioh ia ka jingkyrshan pisa kin hap ban ai ia ki Utilization Certificate bad ka Kaiphod halor ka kam jong ki ynda la dap 6 bnai ne ynda la dep pynlut ia ka pisa, kat kaba wan shuwa.

3.2 Ki jingbei pisa na ka bynta ki jingtrei ne rukom pyrkhathymmai ne jingstad tynrai kiba napoh ne shabar ri

Hapoh jong kane ka projek, ka SPMU, ki Deputy Commissioners bad ka District Innovations Committee, lyngba ki jingiasyllok ha ki dong, ki thain bad jylla, kan wad ruh ioh don ki jingtrei ne rukom pyrkhathymmai ne jingstad tynrai kiba lah ban kyntiew bad wanrah jingjop ia ki jingtreikam jong ka **CLLMP** bad kiba long kham iar ka jinglah ban pyndonkam ha ki jaka bapher bapher, hynrei kiba donkam ia ka jingkyrshan pisa kaba kham kyrpang ban pynurlong.

Shuwa ban pynlong ia ki jingiasyllok ne jingiaphylliew jingmut, ka SPMU bad DPMU kan pynlong shuwa ia ka jingwad ia kito ki jingtrei ne rukom pyrkhathymmai ne jingstad tynrai, kiba kham kyrpang bad kiba iadei bad ka jingpynneh pynsah ia ka spah mariang ha ki nongkyndong, ki distrik, ki thain, bad ha ka jylla bad ri baroh kawei.

Ki Deputy Commissioner kin shim ia ka bynta ban wad ia kita ki jingtrei ne rukom pyrkhathymmai ne jingstad tynrai kiba don ha ki distrik jong ki. Yn pynlong ruh ia ki jingiaphylliew jingmut bad ki seng bhalang, ki seng trei mon sngewbha bad ia ki 'riew shemphang ha ka por ba pynlong ia kiba kum kita ki jingwad.

Hadien ba la thew bha ia kita ki jingtrei ne rukom pyrkhathymmai ne jingstad tynrai, yn sa khot ia kita ki nongtrei ne nongpyrkhathymmai ne ki nongbat ia ka jingstad tynrai ba kin phah ia ki jingthoh jong ki halor kita ki jingtrei ne rukom pyrkhathymmai ne jingstad tynrai, khnang ban lah ban peit bad pyntikna da ka Technical Committee hapoh ka jingpyniaid jong u Additional Project Director ryngkat bad kiwei ki dkhot ba kynthup ia u Deputy Project Director, OSD MINR bad 'riew shemphang. Ia ka rai kaba mih nangta, yn phah sha ka State Level Innovations Committee ba kan rai khatduh iano ban jied. Kito kiba la shah jied, kin hap ban pynshai shuh shuh ha kata jingiamir jingmut ha ka State Level Workshop bad hadien kane yn sa ai kyrdan ia kita ki jingtrei ne rukom pyrkhathymmai ne jingstad tynrai ki jong ki.

Ki san tylli ki jingtrei kiba wan shakhmat duh yn sa iawer ba kin phah ia ka Expression of Interest (EoI) kaba long kum ka dak ban pynpaw ba ki thrang ban shah jied khnang ba kin ioh ban trei ia kita ki kam ba ki thmu. Kin phah ia kane ryngkat bad ki jingthoh kiba biang (proposal) ban pynshai ia kata ka jingtrei ne rukom pyrkhathymmai ne jingstad tynrai, bad ka jingdinkam pisa nakabynta kata ka kam. Ia kita ki kot ki sla yn sa phah sha ka State Level Committee na ka bynta ban shim ia ka rai kaba khatduh iano ban jied.

Nalor ka jingpdiang ia ka jinglong kyrpang bad kongsan ki 'law Kyntang bad ki jingkieng jri bad ka bynta ba ki don ha ka jylla, ka Meghalaya Basin Management Agency kan shim ia la ka jong ka bynta ha kaba kyrshan ruh lyngba kane ka jingbei pisa ia ki jingtrei thymmai kiba iadei bad ka jingpynneh pynsah ia ki law kyntang bad jingkieng jri.

3.2.1 Ka jingpdiang ia ki jingtyrwa kan long tang ia kito kiba pynbiang ia ki kyndon ba la buh kiba ia hap bad ka jylla Meghalaya (Lynnong 2.5) na ka bynta :-

- Ki 'riew shimet lane ki kynhun kiba lah ban pynshisha ba ki don ia la ka jong ka saindur thymmai kaba ia dei bad ka jylla Meghalaya
- Ki Village Executive Committee and Village Natural Resource Management Committee na baroh ki nongkyndong ka Meghalaya.
- Ki Registered Civil society, ki seng trei mon sngewbha bad seng bhalang
- Ki jaka ai jinghikai kiba la ithuh da ka sorkar.
- Ki jaka ai jinghikai ba pyniaid da ki riw shimet lane kompeni ba la dep register ha India kiba trei na ka bynta ka imlang sahlang bad na ka bynta ban pynneh pynsah ia ka mariang.

3.2.2 Ka jingwad bad jingjied ia ki jingtrei thymmai ka iai bteng lyngba ki lad ai jingtip kiba don bad ka SPMU bad ka District Innovation Committee. Kito kiba la shah jied kin hap ban

phah ia ki jingtyrwa ne jingthoh jong ki (proposal) da kaba pyndap ia ki kot ki sla ba la bynrap ha ka Annex 2.

3.2.3 Ka jingjied napdeng ki nongtyrwa kan long da ka State Innovation Committee halor ki nongrim ba la kdew ha ka Bynta ba 4.

Hadien ba la shah jied, ka Committee ka lah ban ai jingmut ban pynbit pynbiang ia kita ki jingtyrwa (proposal) shuwa ba kan jied khatduh. Lada ka Committee kam ai jingtip eiei, kata ka mut ym shym la shah jied.

3.2.4 Yn Soi ia ka Kontrak bad kito kiba la shah jied. Ki kyndon jingiasoi kin kynthup ia ka por ban pyndep ia ka kam, ka jingdonkam ban pynbiang jingthoh halor ka jingiaid shaphrang jong ka kam na ka por sha ka por, ki kyndon ban pynlait pisa, ka jingpynshai halor ki jaitkam bam dei ban leh ne bym lah ban bei pisa na kane ka projek (Annex 3) bad kiwei kiwei ki jingdonkam kiba ia dei bad ka ain.

Bynta ba 4: Ki kyndon jingjied

Ia baroh ki kyrteng ba la ioh katkum ba la batai ha ka lynnong 3.1.2 bad ia ki jingtyrwa ba la ioh katkum ba la batai ha ka lynnong 3.2, yn sa peit bniah bad bishar da ka District Innovation Committee bad ka State Innovations Committee katkum ki kyndon ba la buh.

Kyndon ba 1 - Ki kyndon kiba iadei bad ka jingwanrah ia ka jingkylla.

1. Hato kita ki rukom pyrkhath/jingtyrwa kin iarap na ka bynta ki jingtrei jingktah ban pynneh pynsah ia ki spah mariang?
2. Hato ka lah ban weng noh ia ki jingeh kiba lah ban buh jingma ia ka mariang?
3. Haduh katno ka long kyrpang kata ka rukom pyrkhath/jingsaindur bad jingtyrwa?
4. Hato ka long kaba lah ban pyntrei kam?
5. Haduh katno yn lah ban pyniar ka jingtrei kam ka jong kata ka jingtrei ne rukom pyrkhath thymmai ne ka jingstad tynrai?
6. Hato ia kata jingtrei ne rukom pyrkhath thymmai ne ka jingstad tynrai, don mo ki lad ki lynti ban kdew thikna ia ka jinglarkam jongka, bad hato ka por ba donkam ban pyntreikam ia ka ka long mo kaba lah ban pdiang?

Kyndon-2 Ka jinglah ban trei ne leh ia ka kam

7. Hato iba shah jied/i nongtyrwa i lah ban leh hi, hato i don ka jingnang jingtip ne lada i la ju leh teng ia kam, khnang ba in lah ban pyniaid ia ka projek.
8. Hato i nongtyrwa i don ka jingiadei bad ki nongshong shnong bad ka jingtip ia ki jaka ki puta khnang ban suk haba pyntreikam ia ka projek ha kata ka shnong.
9. Hato i nongtyrwa i don ka jingthmu ban peit hi ia kata ka kam bad ban leh kat kaba don kam ban iaidei beik ka kam?

10. Hato i nongtyrwa i don jingmut ban ai jingtip shaphang ka jingiaid shaphrang jong ka kam?
11. Hato i nongtyrwa i don jingthmu ban ia trei lang bad kiwei, khnang ba ka kam kan long kaba jop?

Kyndon-3 Ki jingpynlut pynsep.

12. Hato ka jingpynlut pynsep ba la antad ka long kaba don nongrim bad shongnia haba ia nujor bad ki kam kiba la thmu ban leh ha ka projek?
13. Haduh katno ki jingmyntoi yn ioh na ka jingpynlut pynsep ha kita ki jingtrei thymmai?
14. Hato la ju don mo ka jingpynlut hi dalade lane ka jingnoh synniang na kiwei sha kane ka kam. (Kane kan pynpaw ba kane ka kam ka long shisha kaba donkam bad ba i nongtyrwa i don shisha ka jingthmu ban trei thikna)
15. Hato lah ban pyndep ia ka projek katkum ka por ba la buh.
16. Hato lah ban bteng ia ka kam, wat lada la kut noh ka jingkyrshan pisa?

4.1 Ka nongrim ban bud haba phah ia ki jingtyrwa

Ki nongtyrwa ki don ia ka jingkitkhlieh ban bud pyrkhing ia kine ki nongrim:

Lada don ki jingbym biang, ki jingbym iaid beit iaid ryntih: Ka jingkyrshan pisa lyngba jong kane ka projek ka long na ka bynta ban kyrshan ia ki jingtrei kiba iadei bad ka jingpynneh pynsah ia ka spah mariang, ka jinglong jingman jong ka jaka na ka bynta ka jingmyntoi jong ki nongshong shnong. Ka jingkyrshan pisa kan ym long ia kito kiba don ia ki jingthmu shimet. Dei ban pyntip lada don kino kino ki jingbym iaid beit iaid ryntih ne ki jingbym biang bad kumjuh ruh ia ki lad ki lynti ba u nongtyrwa u don jingthmu ban leh khnang ban weng ia kiba kum kita ki jingeh.

Ki jingai jingtip lamler bad ba ialam bakla: Ki nongtyrwa ki dei ban sngewthuh shai, ba kino kino ki jingai jingtip lamler bad kiba ialam bakla ki long beain bad kin ngat hapoh ka kyndon ain kaba 415 jong ka Indian Penal Code.

Ki jingai jingtip ki long kyrpang bad kiba khuid ba suba: Baroh ki jingtip kiba don hapoh ki kot ki sla ba la pyndap, ki long beit tang na ka bynta ka jingtrei kam bad ka jingkyrshan pisa. Ka tnad kan lah ban ai ia kine ki jingtip tang ha kito ki bor kiba dei peit ia kane ka kam lane ha ki bor kiba dei peit ia ka ain. Ka jingjied ruh ka long kaba khuid ba suba. Yn pyntip ruh ia kito kiba shah jied. Ka rai jong ka Committee ka long kaba yn ym lah shuh ban pynkylla.

Ka jingpynsngew ia ki jingbymhun: Ki shnong bad ki 'riew shimet lada ki shem ba ki don ki jingbymhun bad ki jingshah ktah na ki jingtrei kam, ki lah pynsngew ia kine ki jingbymhun

jong ki sha ki bor ba dei peit ia ka projek ha ka Block lane jylla lyngba ka Grievance Redress Service (GRS) jong ka World Bank.

Ka GRS ka hap ban pyntikna ba kan shim khia ha kaban peit ia ki jingujor, khnang ba kan ym don ka jingpynwit pynthut ia ka jingtrei kam jong ka projek. Ki 'riew shimet lane ki nongshong shnong kiba shah ktah kin hap ban ai ia ki jingujor jong ki sha ka kynhun ki nongpeit nong jngoh Inspection Panel jong ka World Bank, ka ban pynthikna lada ka don ne em kata ka jingshah ktah lane ka jingbym treh ban bud ia ki kyndon ba la buh da ka World Bank. Ia ki jingujor lah ban pyntip sha ka World Bank bad sha ki nongpyniaid jong ka, ia kiba la ai bor ban leh ia kaba donkam. Lah ban ai ia ki jingujor sha ka Grievance Redress Service jong ka World Bank lyngba ka website, <http://www.worldbank.org/GRS>. Lah ruh ban pyntip sha ka Inspection Panel jong ka World Bank da kaba pyndonkam ia ka website: www.inspectionpanel.org.

Annex 1. Ki dkhot jong ka State bad District Level Innovations Committee

Ban bishar, pynshong nongrim bad jied ia ki jingtrei ne rukom pyrkhath thymmai ne ki jingstad tynrai ki ban ioh ia ka bei tyngka, yn leh da ka District bad State Level Innovations Committee.

Ki dkhot bad ki kyndon trei kam na ka bynta ka State Level bad District Level Innovations Committee ki long kumne:-

1. Ka State Level Innovations Committee (SLIC)

Ka State Level Innovations Committee ka kynthup ia kine ki dkhot:-

Shongknor:	Agriculture Production Commissioner
Member Secretary:	PD CLLMP
	Executive Director MBDA
	Director MBDA
	DPD CLLMP
	OSD MINR

Lah ban pynrung ruh ia kiwei pat ki dkhot napdeng kito kiba don ka jingtip shaphang ka jingpynwandur thymmai ia ki jingtrei jingktah.

Ka jylli trei kam ka State Level Innovations Committee ka long kumne harum:

1. Ka ai jingmynjur ia ki phang ba lah ban pdiang.
2. Ka jingai jingmynjur ia kito ki jingtrei ne rukom pyrkhath thymmai ne ki jingstad tynrai hadien ba la pynlong ia ki jingbishar bniah, ba kynthup ia ka jingleit jngoh ia ki jaka, ka jingpynshisha bad pynthikna ba ki long kiba lah ban pyntreikam.
3. Kan thaw ki lad ki lynti kumno ban wad ia ki jingtrei ne rukom pyrkhath thymmai ne ki jingstad tynrai bad ban buh jingthoh jingtar ia kum kita.
4. Ka jingphah ia ki nonglum jingtip, ka jingthung ia ki nongwad jingtip hapoh ka jylla bad shabar jong ka jylla.
5. Ka ai jingmynjur ha kaba iadei bad ki lad ki lynti kumno ban pynsaphriang jingtip bad pyndonkam ia ki jingtrei ne rukom pyrkhath thymmai ne ki jingstad tynrai ki ban ialam sha ka jing pynneh pynsah ia ka spah mariang.
6. Kan ai jingbishar bniah, ai jingmynjur bad ai bor ban pyllait pisa na ka bynta kito ki jingtyrwa ba la phah da ki 'riew shimet, ki kynhun, bad ki seng bapher bapher.
7. Ka jingai jingmut kumno ban jngoh bad pynshong dor ia ki jingtrei khnang ba kin ia id ryntih bad long kiba janai bad kiba iahap bad ka jingsaindur, kiba ia biang bad ka

jingpynlut pisa, ka jinglong ka mariang, kiba bud ia ki kyndon ki ban khanglad ia ka jingbamsap, kiba buh jingthoh jingtar bad jingkhein jingdiah kat kaba donkam ha ka rukom kaba dei.

8. Kan pynkhreh ia ki kyndon ban bud da ka District Level Innovations Committee ha ka por ba bishar ia ki jingtyrwa shuwa ba kan phah sha the State Level Committee.
9. Kan thaw ki lad ki lynti kumno ban ia trei lang bad ki shnong ki thaw haba shim ia ki rai kiba lah ban nangpynbha shuh shuh ia ki jingtrei ne rukom pyrkhath thymmai ne ki jingstad tynrai.
10. Kan thaw bad pynshai ia ka bor ka iktiar bad kyndon trei kam jong ka District Level Innovations Committee.
11. Ban peit ia ka jinglah jong ka kynhun, ka jingiasnoh kti lang bad kiwei na ka bynta ban ioh pdiang ia ka jingkyrshan pisa.
12. Ban ai ia ki jingpynsngew bad jingai jingmut ban pynkhlain ia kita ki jingtyrwa kat haba i donkam.

2. District Level Innovations Committee:

Ki dkhot ki long:

Shnongknor:	Deputy Commissioner
Member Secretary:	District Planning Officer District Programme Manager CLLMP.

Lah ban pynrung ruh ia kiwei pat ki dkhot napdeng kito kiba don ka jingtip shaphang ka jingpynwandur thymmai ia ki jingtrei jingtah.

Ka jylli treikam jong ka District Level Innovations Committee ka long kumne harum:-

1. Ban jied ia ki jingtrei ne rukom pyrkhath thymmai ne the jingstad tynrai kiba lah ban kynthup ruh ia ki kor trei kam bad ki riti ki dustur ha kaba iadei bad ka jingpynneh pynsah ia ki spah mariang, lyngba ki lad ki lynti kiba pher ba pher kiba kynthup ruh ia ka jingiamir jingmut lang bad ki shnong ki thaw. Ynda la dep jied, yn phah ia kita sha ka State Level Innovations Committee na ka bynta ban bishar.
2. Ka jingpynkhih jingmut bad pynshlur ia ki paidbah ban wan shakhmat bad ban iasam ia ka jingnang jingtip kaba ki don ha kaba iadei bad ka jingpynneh pynsah ia ki spah mariang.
3. Ban wad ia ki jingtrei ne rukom pyrkhath thymmai ne the jingstad tynrai kat kum ka bor ka iktiar ba la pynkup da ka State Level Innovations Committee.

4. Ban pdiang ia ki jingtyrwa ba la phah da ki nongtrei ne nongpyrkhat thymmai ne ki nongbat ia ki jingstad tynrai bad ban phah ia ki sha ka State Level Innovations Committee na ka bynta ban pynlong ia ka jingbishar bniah halor jong ki.

5. Ban trei katkum ka bor ka iktiar ba la pynkup da ka State Level Innovations Committee.

Annex 2 Ki jingkyrshan pisa lyngba ka Innovations Fund: Ka jingphah ia ki jingthoh halor ki jingtrei ne rukom pyrkhath thymmai ne jingstad tynrai

1. Ki jait jingtrei ne rukom pyrkhath thymmai ne jingstad tynrai (Kdew ia kaba iahap)

1.	Ki jingtrei lyngba ki jingpyndonkam ia ki kor ki bor thymmai ban pynneh pynsah ia ki spah mariang	
2.	Ki rukom trei ne rukom pyniaid thymmai ia ki kam kiba iadei bad ka jingpynneh pynsah ia ki spah mariang	
3.	Ki jingstad tynrai	
4.	Ki jingtrei thymmai ki ban iarap pynbha pat ia ki jingjulor ka mariang	

2. Ka jingbatai lyngkot shaphang ka jingtrei ne rukom pyrkhath thymmai ne jingstad tynrai lane ka jingpynshisha ba kine ki long kiba larkam (haduh 600 kyntien)

Batai shai shaphang ka jingtrei ne rukom pyrkhath thymmai ne jingstad tynrai, katno la pyndep ia ka jingtrei (lada dang ia id ka jingwad bniah, lane lada la pyrshang ban pyntrei, lane la pyntreikam), bad balei ka long kaba dei ban shah jied, ka jinglong ba kham pher jong ka, ka jingiahap jong ka bad ka Meghalaya ha kaba ia dei bad ka jingpynneh pynsah ia ki spah mariang lane ka jingpynjulor mariang ba kham ktah ia ka jylla. Ai bad ki dur kiba iahap lada don.

3. Jingbatai ia ka Projek (Haduh 600 kyntien)

Batai ia ka jinglah ban pyntreikam ia kata ka jingtrei ne rukom pyrkhathymmai ne jingstad tynrai ha ka samoi treikam jong ka projek. lathuh ruh ruh ia ka jingiar jong ka kam bad ai ia ki jingpynshisha ban kyrshan ia ka.

4. Ka jingheh jong ka jylli treikam ka projek bad ki nongiakyrsan lang (Haduh 250 kyntien)

Batai bniah halor ka jylli treikam jong ka projek bad ki nongiakyrsan lang, ka jingmyntoi ban ioh lyngba kata ka jingtrei ne rukom pyrkhathymmai ne jingstad tynrai; lada don, ai ia ka map ka ban pyni ia ka jingiar ka kam

5. Ki jait kam hapoh ka projek

Batai shai ia ki jait kam kiba yn pyndep bynta-pa-bynta lane ha kajuha por. Ai ruh ia ka por ban pyndep ia kawei-pa-kawei ka kam.

6. Ka mang tyngka jong ka projek

Ai ia ka mang tyngka katkum ki jait kam nakabynta shi snem shi snem; batai ruh lada don kano kano ka jingbei tyngka na kiwei pat ki liang.

7. Ki jingkdew ban pyni ba ka jingtrei ne rukom pyrkhath thymmai ka long kaba jop bad kumno ban peit ban jngoh.

(Ki jingkdew ki dei ban long kiba thikna, kiba lah ban kot ia ka thong, kiba don jingmut bad kiba la pyndep biang por). Kum ka nuksa: 'La pynbha pat ia 100 hektar ka khyndew ha ka snem kaba nyngkong, 200 hektar ka khyndew ha ka snem kaba ar'; La ai jinghikai pyntbit ia 400 ngut ki briew ban pyndonkam ia ki kor kibor thymmai'; 'La thaw ia ka komiti kaba kynthup 10 ngut ki dkhot, ha kaba 50 na ka 1000 ki dei ki kynthei'

8. Ka jingpyntip paidbah bad ka jingthoh ia ki kaiphod

Khngang ba baroh kin ia tip lang bad ban kham pyniar ia ka jylli treikam, batai kumno yn pyntip sha ki paidbah ia kaei kaba mih ka jingpyntrei ia kata ka jingtrei ne rukom pyrkhath thymmai ne jingstad tynrai

9. Ki jingma/jingeh kiba lah ban mih

Batai ia ki jingeh kiba lah ban pyndkoh ia kata ka jingtrei ne rukom pyrkhathymmai ne jingstad tynrai lane lada don kano kano ka jingma kaba lah ban mih na ka jingpyntrei kam

ia ki.

10. Kiei ki kam ban pyntrei ynda la kut ka projek.

Batai kumno yn bteng ia ki kam hadien ba ka jingkyrshan pisa na ka projek ka la kut

11. Ki dkhot bad ki nong iatrei lang (partner).

(Ai ia ka jingbatai lyngkot shaphang uwei-pa-uwei u dkhot/ ka seng kiba long ki bynta ba kongsan ha ka jingpyniaid ia ka kam).

12. Kiwei pat ki jingtip.

Kiwei pat ki jingtip ba ki nongtrei ne nongpyrkhat thymmai ne ki nongbat ia ka jingstad tynrai ki don jingmut ban ai khnang ban kyrshan shuh shuh ia ki jingtyrwa jong ki.



Annex 3 Ki jait jingtrei ki ban ym ioh ia ka jingbei pisa hapoh ka Innovations Fund

Baroh ki jingtrei kam ki dei ban bud ia ki kyndon jong ka projek kiba la thoh ha ka Social Management Framework bad ka Environmental Management Framework. Ia kine lah ban shem ha kane ka website: <http://mcllmp.com>.

Kine harum ki long ki kam ki ban ym ioh ia ka jingkyrshan pisa namar ka jingiatyngkhuh bad ka Social Management Framework bad ka Environmental Management Framework.

1. Kino kino ki kam ki bym iahap bad ki ain ka Sorkar India bad Sorkar Meghalaya
2. Ki kam kiba lah ban pynjot bad kiba lah ban pynduh ia ki khlaw ba la iada kyrpang (protected areas bad reserve forest), ki sanctuary bad kiwei kiwei, kum kine ki jaka ba la kdew harum:
 - Siju Wildlife Sanctuary ha South Garo Hills
 - Nongkhylllem Wildlife Sanctuary ha Ri-Bhoi
 - Baghmara Pitcher Plant Sanctuary ha South Garo Hills
 - Balpakram National Park ha South Garo Hills
 - Nokrek Ridge National Park ha East Garo Hills
 - Nokrek Biosphere Reserve ha East, West bad South Garo Hills
 - Narpuh Wildlife Sanctuary ha East Jaintia Hills
3. Ki kam kiba iadei bad ban pynseisoh ia ki khlaw na ka bynta ki karkhana ot dieng kiba heh.
4. Ka jingtei ia ki check dam kiba palat ia ka 3 mitar ka jingjrang.
5. Ki kam kiba pyndonkam ia ki dawai pyniap khniang kiba hap hapoh ka jingmana jong ki bynta IA, IB lane II jong ka WHO bad ki kam kiba pynshlur ia ka jingthied shibun ki dawai khniang.
6. Ki kam ki ban ktah jur na ka daw ka jingpynkhuid noh ia ki khlaw ki btab, ki um ki wah, kiba lah ban wanrah ia ka jingduh junom ka mariang sawdong sawkun.
7. Ki kam ki ban lam sha ka jingpluh ki khlaw.
8. Ki kam ki ban lam sha ka jingtwa khyndew kaba khraw bad ka jinglang ktieh ki um ki wah.
9. Ki kam kiba lam sha ka jingpyntrei bylla ia ki khynnah rit.
10. Ki kam ki ba lah ban ktah jur ia ki jaka kyntang bad ki jaka ba don ki khanatang kiba lah ban ktah ia ka riti dustur bad ia ka rukom im rukom man.
11. Ki kam kiba iadei bad ka jingpom noh ia ki dieng ba la mana ban pom.
12. Ki kam kiban wanrah ia ka jingmana na kaba pyndonkam ia ki spah mariang, kynthup ia ki kynbat dawai bad ki jingthung bad jingim kiba lah ban kyntiew ia ka ioh ka kot.

13. Kino kino ki kam kiba iadei bad ka jingpyndonkam ia ki pipe saraw (kum ka nuksa , Ki pipe ba pyndonkam na ka bynta ka ban ring um sha ki jaka rep)
14. Ki kam kiba pynrung ia ki jingthung, ki mrad bad kiwei ki jingthaw ba-im na bar, kiba lah ban pynsniew ia ka mariang, kiba lah ban pynkylla khongpong khongdeh ia ka jinglong nylla jong ka mariang kynthup ia ki jingthung jingtep bad sim ki doh kiba don ha kato ka jaka.
15. Ki jingtrei kiba la saindur na ka bynta ka jingiohnong ki 'riew shimet lane kynhun.
16. Ki kam lajong ne kam kamai shimet.
17. Ki jingtrei kiba hap ha ka jingpyniaid jong kiwei pat ki nongpyniaid.
18. Ki jingtrei kiba hap shabar jong ka jylla Meghalaya.